

ՔԱՂԱՔԱԿԱՆ ՏԵՍՈՒԹԻՒՆ

Պարլամենտական ընտրութիւնները Անգլիայում և Գլադստոնի մինիստրութեան կազմը.—Սահմանադրութեան վերափոխումը Բելգիայում, Թագաւորական ռեֆերենդումը.—Բրիտանիոյ Հակա-գերեզմանական և հակա-ստրկական զլխատուր ակտը.—Բիսմարկի ճառը Ենայում.—Պապ Լէօ XIII և եւրոպական դաշնակցութիւնները.—Ստամբուլով Պոլսում:

Պարլամենտական ընտրութիւնները Անգլիայում, որ կատարւեցին յուլիս ամսում, վերջացան, որպէս սպասելի էր և ցանկալի՝ յօգուտ Գլադստոնեան ազատամիտ կուսակցութեան: Գլադստոնի կարգացած յորդորը իւր ընտրողական վիճակում՝ Միդլոթիան'ում (Շոտլանդիա) իւր ամենահական կէտերում մենք հաղորդեցինք ընթերցողներին մեր անցեալ տեսութեան մէջ: Այդ ընտրողական մանիֆէստից պարզ երևաց, որ անգլիական ազատամիտ կուսակցութեան պարագլուխը ցանկանում էր, որ ընտրողները իրանց ձայները յօգուտ ազատամիտներին կամ պահպանողականներին տալուս՝ ղեկավարւէին ամենից առաջ նրանով՝ ցանկանում են նոքա իրլանդիացին ինքնավարութիւն (հոմ-ռու) տալ թէ ոչ: Այսպիսով հոմ-ռուի խնդիրը Գլադստոնը առաջին գծի վերայ էր դրել. մինչդեռ պահպանողականները աշխատեցին ընտրողների համակրութիւնը իրանց կողմը գրաւել՝ ընդդիմանալով իրլանդական հոմ-ռուին և խոստանալով զբաղւել այլ ներքին խնդիրներով և մասնաւորապէս խնդիրներով վերաբերեալ բանւոր դասակարգին: Մասնաւորապէս բանւոր դասակարգի պաշտպանութեան վերայ պահպանողականները յոյսեր էին դրել այն հիման վերայ, որ Գլադստոնը, ընդունելով բանւորների կորպորացիաների ներկայացուցիչներին, յայտնել էր նրանց որ խոստումներ չի կարող տալ բանւորներին և

որ այն մի քանի տարիները որ իրան վիճակած կը լինի անցկացնել այս աշխարհում (Գլադստոնը 83 տարեկան է), նա մտադիր է իրլանդական խնդրի լուծմանը նւիրել: Եւ, չը նայած դորան, ընտրութիւններից յետոյ երեւաց, որ բանւորները իբրեւ մի մարդ իրանց ձայները տւել էին Գլադստոնի կուսակից պատգամաւորական թեկնածուներին, որոնց մէջ, ընտրւածներից կան ի հարկէ թէև թուով քիչ (9 հոգի) զուտ բանւորական պատգամաւորներ:

Անգլիական պարլամենտի անդամների թիւն է 669. զոցանից 355 հոգի ընտրւած են յօգուտ Գլադստոնի հոմ-ռուլական ծրագրի, 314-ը ընտրւած են հոմ-ռուլի հակառակորդներից: Յօգուտ հոմ-ռուլի են բոլոր զուտ գլադստոնեան ազատամիտները, որոնց անպայման պարագլուխն է Գլադստոնը, ապա արմատական կուսակցութիւնը, որի պարագլուխն է Լաբուշէրը, ապա 9 հոգի բանւորական ներկայացուցիչներ և 79 հոգի իրլանդական պատգամաւորներ: Իրլանդիան ընդամենը ունի 103 ներկայացուցիչ անգլիական պարլամենտում, բայց այդ երկրի ազգաբնակչութիւնը միայն $\frac{3}{4}$ -ով իրլանդացի է, իսկ մօտ $\frac{1}{4}$ -ը — անգլիացի կամ շոտլանդացի լինելով — հակա-իրլանդական զգացումներ ունէր և նորա մի մեծ մասը շարունակում է դեռ ունենալ. այդ ոչ իրլանդական ազգաբնակչութիւնը ներկայ պարլամենտի համար հետեւապէս ընտրել է 24 պատգամաւորներ, որոնք հոմ-ռուլի ընդդէմ են:

Հոմ-ռուլի ընդդէմ ընտրւած են 314 հոգի, որոնք բաղկացած են երկու տարրերից. բուն պահպանողականներից, որոնց պարագլուխն է լորդ Սոլսբերի, և ազատամիտ-ուսնիոնիստներից, որոնց պարագլուխն է լորդ Հարդինգտոն: Այս վերջինները, ինչպէս աւելի ընդարձակօրէն ընթերցողները պատմած կը դտնեն սոյն համարում տալող մի այլ յօդւածում,¹⁾ մինչ 1886 թւականը կազմում էին Գլադստոնի կուսակցութեանը, բայց բաժանւելին սորանից 1886-ին Գլադստոնից յայտարարած իրլանդական հոմ-ռուլի պատճառով, կազմելով մի առանձին ազատամիտ կուսակցութիւն որը միացած է պահպանողականների հետ միմիայն իրլանդական խնդրում: Բայց հէնց դորա պատճառով Հարդինգտոնի ուսնիոնիստ-

¹⁾ Գաղափարի մի չաղթանակ Անգլիայում:

ազատամիտ կուսակցութիւնը, պաշտպանում էր պահպանողական մինիստրութիւնը:

Նոր տոմարով Օգոստոսի 12 (հին տոմարով 31 յուլիսի) նոր պարլամենտը արդէն յայտնեց իւր անվտանգութիւնը Սոլսբրիի մինիստրութեան, որով վերջինս այդպիսով հարկադրեց հրաժարական տալու:

Այդ առիթով պէտք է նկատել, որ Անգլիայում վերջին քառորդ դարում զրեթէ հաստատուած սովորութեան համաձայն, մի մինիստրութիւն որ ընդհանուր ընտրութիւններին պարտութիւն է կրում, հրաժարական է տալիս, այլ ևս չսպասելով պարլամենտի բացմանը, չսպասելով որ պարլամենտը իւր անվտանգութիւնը յայտնիւ Այդպէս վարեց 1868-ին Ղիզրաէլին (որ յետոյ լորդ օֆ Բիկոնսթիլդ), այդ օրինակին հետեւեց Գլադստոնը 1874-ին, և այսպէս շարունակ նաև 1886-ին, երբ Գլադստոնը պարտութիւն կրելով իսկոյն իւր հրաժարականը տւեց: Բայց Սոլսբրին, երևի հիմնւելով այն հանգամանքի վերայ, որ Գլադստոնեան մեծամասնութիւնը միայն շուրջ 40 հոգի է, և թերևս ցանկանալով այդ մեծամասնութեանը առիթ տալ արտայայտւելու, իսկոյն չհեռացաւ պաշտօնից, այլ սպասեց պարլամենտական առաջին քւէին:

Խնդիրը այժմ այն է թէ պիտի կարողանանք արդեօք Գլադստոնը իրլարդական հոմ-ռուլի մասին օրէնքը անցկացնել պարլամենտում թէ ոչ: Որ պատգամաւորների ժողովում դորա համար մեծամասնութիւն կայ, այդ արդէն անկասկած է. բայց պարլամենտը բաղկացած է ոչ միայն պատգամաւորների ժողովից (Անգլիայում նա կոչւում է Համայնքների ժողով Chamber of commons), այլ և լորդերի ժողովից: Հաստատ է որ լորդերի ժողովում համայնքների ժողովից ընդունւած իրանդական հոմ-ռուլի բիլլի համար մեծամասնութիւն չկայ, իսկ առանց լորդերի ժողովից ընդունւելու՝ բիլլը չի կարող ներկայացնւել թագուհու ստորագրութեանը. հետևապէս նա օրէնքի զօրութիւն չի կարող ունենալ: Շատ կարելի է ուրեմն որ այս տարի Գլադստոնի մինիստրութեանը չի յաջողուի իրլանդական հոմ-ռուլի բիլլը իրագործել: Համաձայն Գլադստոնի յայտարարութեան՝ եթէ այդպէս պատահի, նա զալ տարի նորից կը ներկայացնի իւր օրինագիծը: Եթէ նաև զալ տարի

չը յաջողէի, անկասկած է որ կ'սկսւի մի կռիւ համայնքների ժողովի և լորդերի պալատի մէջ, որ սակայն ծայրահեղութեան հասցնել չի վճռիլ լորդերի պալատը, քանի որ այժմեանից համառուլի խնդիրը, մեր կարծիքով, վաստակած խնդիր պէտք է համարել, և նոյն խակ վտանգի մէջ կը դնի իւր քաղաքական գոյութիւնը, եթէ լորդերի պալատը շարունակ ընդդիմադրութիւն անելու լինի մի այդպիսի ըէֆորմին:

Ընտրողական մանրամասնութիւններից մենք առաջ կը բերենք մի քանի կարևոր կամ հետաքրքրական կէտեր:

Գլադստոնը ինքը ընտրւել է Շոտլանդիայի Միդլոթիան վիճակում: Իւր պարլամենտական երկար կեանքի ընթացքում նա իւր ընտրողական վիճակները փոփոխել է մի քանի անգամ: ամենից սկզբում նա ընտրւում էր Օքսֆորդում, ապա Լանկաշիրում, յետոյ Լոնդոնի արւարձան Գրինուիչում, իսկ 1880-ից դէս Շոտլանդիայի Միդլոթիան վիճակում: Այդ վիճակում ձայն տալու համար նշանակած են 14 տեղեր, որոնցից երկուսը զտանւում են Եղիներուրդ քաղաքում (թայց ինքը Եղիներուրդը չի պատկանում այդ վիճակին):

1880-ին Գլադստոնը ստացել էր 1579 ձայն, իւր հակառակորդ էարլ օֆ Դելկէյթը՝ 1368 ձայն:

1885-ին (ընտրողական ըէֆորմից յետոյ, որով ձայնատուների թիւը աւելացաւ) Գլադստոնը ստացաւ 7889 ձայն, հակառակորդը, սըր Ջորջ Դալ-Խայլը՝ 3248 ձայն:

1886-ին Գլադստոնը իւր վիճակում հակառակորդ չունեցաւ:

Ազատամիտ կուսակցութեան պատկանողներից և ընտրւածներիցն է այս անգամ նաև սըր Ջորջ Դիլլը, որ վերջին տարիներս հեռացած էր քաղաքական ասպարիզից, կարծեմ անձնական պատճառներով: Այսպիսով Դիլլը, այս ամենահարուստ ընդունակութիւններով օժտւած մարդը, նորից վերադարձեց հասարակական կեանքին և ազատամիտ կուսակցութեանը:

Իրլանդական պատգամաւորները, որպէս յայտնի է, հանդուցեալ Պարնելլի կռւի պատճառով Գլադստոնի հետ, որի հետևանքները տեւում են մինչ այսօր, բաժանւած են պարնէլականների և հակապարնէլականների, որոնք սակայն բոլորն էլ իրլանդական քաղաքական ծրագրի նկատմամբ մի են: Արդ այդ հակա-պարնէլա-

կանները մէջ, որոնք թուով շատ աւելի են պարնէլականներից, ընտրւած է այս անգամ մի նշանաւոր մարդ, Էդուարդ Բլէկ, որ դորանով առաջին անգամ մտնում է անգլիական քաղաքական ասպարէզը: Բլէկը կանադացի է, երկար տարիներ նա պարագլուխ էր ազատամիտ կուսակցութեան Կանադայում, ուր նա 31 տարեկան հասկում, Բազաւորական խորհրդատուի կոչում ստացաւ. 1876-ին մտաւ կանադական պարլամէնտ, 1871—72 եղաւ առաջին մինիստր Օնտարիօ նահանգի, յետովայ տարիներում դառաւ արգարադատութեան մինիստր և մինիստրութեան խորհրդի նախագահ:

Ընտրւածների մէջ է, նոյնպէս ազատամիտ կուսակցութեան պատկանող, Հնդկաստանի մի պարս՝ Դադարհաւի Նաօրոջի, որ ուղարկւել է պարլամէնտ Լոնդոնի Ֆինսբրի քաղաքամասի կողմից, միայն երեք ձայն առաւելութեամբ իւր հակառակորդի վերայ: Քաղաքական առանձին նշանակութիւնից սակայն զուրկ է այդ դէպքը:

Գլադստոնի կուսակցութեան ծրագրի մէջ, իրլանդական հոմուլից յետոյ այս անգամ նշանաւոր տեղ է բռնում խմիչքեղէն վաճառելու խնդիրը, մի հանգամանք որ մեծապէս պէտք է ազդած լինի ընտրութիւնների վերայ: Ազատամիտ կուսակցութիւնը պահանջում է որ խմիչքեղէն, այն է սպիրտ, արագ, զարեջուր խմելու տեղերը, որպէս են հիւրանոցները, դուխանները և այլն, այսուհետեւ բացւեն ամեն մի վիճակում միայն այնքան թւով, որքան այդ կ'որոշի ինքը տեղական վիճակը և ոչ աւելի: Այդ է որ կոչւում է local option: Թէև պահպանողական կուսակցութիւնը, որքան մեղ յայտնի է, local option-ի դէմ է, բայց նա պահանջում է որ այժմեայ բուֆէտատէրերից նոքա, որոնք ապագայում, նոր օրէնքից յետոյ, կը մերժեն, փողով որոշ վարձատրութիւն ստանան. ազատամիտները դէմ են այդ վարձատրութեան:

Մեծահաւ այդ խնդրում բռնած արմատական դիրքին, ազատամիտ կուսակցութեան դէմ են զործել սպիրտի, զարեջրի գործարանների ակցիոներական զօրեղ ընկերութիւնները և բուֆէտատէրերը: Եւ արդէն Գլադստոնի կուսակցութեան մօտալուտ յաղթութեան զգացմունքը, դեռ ևս ընտրութիւններից առաջ, վայր գցեց այդ ընկերութիւնների ակցիաների արժէքը:

Բայց ահա և Գլադստոնի մինիստրութիւնը. Գլադստոն առաջին մինիստր (նախագահ մինիստրութեան) և զանձարանի առաջին լորդ (ֆինանսների մինիստր). լորդ Հերշլէլ—լորդ կանցլէր-լորդ Կիմբերլէյ—պետական քարտուղար Հնդկաստանի. լորդ Ռոսքըրի—մինիստր արտաքին գործերի, լորդ Ռիպոն—մինիստր կոլոնիաների, Ասկուիտ (Asquit)—մինիստր ներքին գործերի, Բաններման—պատերազմական մինիստր, կոմս լորդ Սպենսեր—առաջին լորդ ծովային կառավարութեան (ծովային մինիստր), Ջոն Մորլէյ—իրանդական առաջ քարտուղար, լորդ Հակտոն (Houghton)—փոխարքայ Հընդկաստանի. Մունդելլա—առևտր. մինիստր, պոստը յանձնաժ. է՝ Արնոլդ Մորլէյին, դպրոցները՝ Ալլանդին:

Դոցանից Ասկուիտը նա է, որ Սալաբրիի մինիստրութեան դէմ դրեց անվստահութեան առաջարկութիւնը: Նա դեռ միայն 40 տարեկան է. նա յայտնի է իբր շատ տեղեակ և տակոտվ մարդ, որին նոյն իսկ իւր հակաճառողները մեծ ապագայ էին զուշակում: Ջոն Մորլէյ յայտնի է իբրև Գլադստոնի մտերիմը և արդէն առաջ, Գլադստոնի մինիստրութեան ժամանակ, Իրլանդիայի առաջ քարտուղարն էր: Նա յայտնի է իբր արտասովոր բարեխիղճ մարդ: Կարևոր անձնաւորութիւն է արտաքին գործերի մինիստր լորդ Ռոզքըրի, որի մասին այս կարծիքը կայ որ ընդհանուր առմամբ նա հաւանում է Սոլաբրիի արտաքին քաղաքականութիւնը և որ հետևապէս նա բարեկամ կը քննէ միջին Եւրոպայի եռապետական դաշնակցութեան: Բայց առհասարակ Գլադստոնի մինիստրութիւնից սպասում են աւելի մեծ բարեկամութիւն դէպի Ֆրանսիան քան Սոլաբրիի ժամանակ:

Բելգիայում, որպէս անցեալ ամսուայ տեսութեան մէջ պատմեցինք, նոր ընդհանուր ընտրութիւններ եղան յատկապէս երկրի սահմանադրութիւնը վերափոխելու համար: Բելգիայում սահմանադրութիւնը չի կարող վերափոխել սովորական պարլամենտի վճռով ու թագաւորի համաձայնութեամբ, այլ դորա համար պէտք է որ պարլամենտը ցրւի, նոր պարլամենտ կազմւի, որի գործը պէտք է լինի միայն սահմանադրութիւնը վերաքննելը (այդ պատճառով այդպիսի ժողովը կոչւում է սահմանադրող ժողով, Chambre constituante), որից յետոյ նա պէտք է ցրւի և ապա, նոր սահ-

մանադրութեան հիման վերայ, նոր ընտրութիւններ կատարեն պատգամաւորների ժողովի համար: Այդպէս է Անգլիայում, Ֆրանսիայում և այլն: Օրինակի համար այն, ինչ այժմ մտադիր է անելու Գլադստոնի մինիստրութիւնը, ոչ թէ մի սովորական դործ է, այլ անգլիական սահմանադրութեան փոփոխութիւն է: Սահմանադրութիւնը փոփոխող մի օրինադիւծ Անգլիայում ներկայացնւում է սովորական պարլամենտին, ինչպէս և ամեն մի ուրիշ օրինադիւծ, մինչդեռ Բելգիայի սահմանադրութեան համաձայն՝ սահմանադրութիւնը կարող է փոխել միմիայն յատկապէս դորա համար ընտրւած պատգամաւորների ժողովով: Ֆրանսիայում սահմանադրութիւնը փոփոխելու համար պարլամենտի երկու ժողովները՝ պատգամաւորների ժողովը և սենատը զուամբւում են միասին և կազմում միմիակ ժողով, որ կոչւում է կոնգրես, ուր ձայների առաւելութեամբ վճռւում է խնդիրը: Հետևապէս Ֆրանսիայում յատկապէս և միմիայն սահմանադրութիւնը փոխելու համար նոր ընտրութիւններ չեն լինում և ոչ էլ սովորական օրէնքների պէս է կատարւում սահմանադրութեան փոփոխութիւնը:

Ընտրողական օրէնքը փոխելը այժմեայ սահմանադրող ժողովի առաջուց որոշած գործերից մէկն է. բացց մի բան, որ նոր է, այդ թագաւորական ռեֆերենդումն է, որի մասին Բելգիայի թագաւորը ինքն է առաջարկութիւն անում սահմանադրող ժողովին:

Ռեֆերենդումը ազդին դիմելն է: Երբ մի որևէ շատ կարևոր խնդրի համար օրէնք է տրւում սովորական ձևով (պարլամենտի ու թագաւորի կամ առհասարակ պետութեան պետի համաձայնութեամբ), բացց օրէնք դարձնելու համար հարկ է դառնում որ այդ օրէնքը ենթարկւի ազդի ընդունելութեանը կամ ոչ ընդունելութեանը, այդ նշանակում է դիմել ռեֆերենդումի: Այդպիսի բան կայ միմիայն Շվեյցարիայում: Ռեֆերենդումը, ասում է Հիլտի (Hilty) իւր Ռեֆերենդումը շվեյցարական պետական իրաւունքի համաձայն աշխատութեան մէջ, ¹⁾ ռեֆերենդումը այն սահմանա-

¹⁾ Hilty. — Das Referendum im schweizerischen Staatsrecht (Archiv für öffentliches Recht, հատոր II, էջ 167 և շարունակութիւն):

ղրական կարգն է, որը պարտաւորացնում է կամ յայտնի պայմաններում թոյլ է տալիս որ ներկայացուցչական մարմինների (կանտոնների մեծ խորհուրդների կամ շէյքարական միութեան ժողովի) վճիռները ներկայացւեն ձայնատու քաղաքացիների ընդհանրութեանը՝ ընդունել կամ չընդունել տալու համար։

Ահա մի այսպիսի կարգ Բելգիայի թագաւորը ուղում է մոցրւած լինի բելգիական սահմանադրութեան մէջ, այն զանազանութեամբ սակայն, որ ռեֆերենդումին դիմելու իրաւունքը միայն թագաւորին պատկանի, և երկրորդ, որ թագաւորը ոչ թէ պարտաւորւած լինի ռեֆերենդումին դիմելու, այլ միայն իրաւունք լինի նրան տրւած այդ անելու, հետևապէս որ դորանից օգուտ քաղելը ամբողջապէս իրա կամքից լինի կախւած։

Պէտք է ասած որ ռեֆերենդումի խնդիրը քննելը սահմանադրող ժողովում արդէն մերժւեց նախկին պարլամենտի կողմից. բայց այժմ ինքը թագաւորն է այդ առաջարկութեամբ դիմողը, և պէտք է ենթադրել, որ եթէ ռեֆերենդումի խնդիրը բաւարար լուծումն էլ ստանալու չլինի, այսուամենայնիւ նա պէտք է զբաղեցնի սահմանադրող ժողովին։

Բելգիական թագաւորական ռեֆերենդումի խնդիրը ունի ոչ միայն տեղական, այլ և ընդհանուր նշանակութիւն։ Ինչո՞ւ մի թագաւոր, որին իրաւունք է տրւած պարլամենտից ընդունւած մի օրինագիծ ընդունել կամ չընդունելը, ինքն է ուղում որ նրան իրաւունք տրւած լինի իւր որոշումից առաջ՝ ազգին ուղղակի դիմել և այդ օրէնքի մասին ձայներ հաւաքել։

Ճիշդ է որ Բելգիական այժմեան առաջարկը շատ տարբերւում է շէյքարական ռեֆերենդումից. այստեղ ռեֆերենդումը սահմանափակում է ներկայացուցչական մարմինների և երկրի բարձրագոյն իշխանութիւնների իրաւունքները օրէնքներ տալու գուծում, ձայնը տալով նոյն իսկ ազգին. իսկ բելգիական առաջարկութեան համաձայն՝ ռեֆերենդումը թագաւորի կամքիցն է կախւած դորժադրել թէ չգործադրել և կամ համակերպել թէ չհամակերպել ազգի մեծամասնութեան, քանի որ այստեղ ռեֆերենդումը խորհրդատու և ոչ վճռող է հանդիսանում։ Ձեռքած դորան, սակայն, պարզ է որ ռեֆերենդումը բարոյապէս սահմանափակում է թագա-

ւորի իշխանութիւնը, քանի որ չօգտւել ունեցեր ենդումից և կամ չը համակերպուել ունեցեր ենդումին՝ վտանգներ կ'առաջացնի թագաւորական տոհմի համար:

Կրկնում ենք՝ ինչո՞ւ Բելգիայում ծագում է ունեցեր ենդումի խնդիրը և թագաւորը ո՞ւր է ուղում պաշտպանել ունեցեր ենդումով:

Պէտք է կարծել որ ունեցեր ենդումը պէտք է ծառայի պարլամենտարիզմի թերութիւնները ուղղելու համար: Ճիշտ է, պարլամենտը նոյն այն ազգի ներկայացուցիչների ժողովն է, որին դիմում են ունեցեր ենդումով, բայց անհերքելի է, որ պարլամենտները այնպէս ինչպէս նոքա դոյութիւն ունեն, միշտ և ամեն խնդիրներում չեն ներկայացնում ազգի մեծամասնութեան կարծիքը: Պարլամենտները ընտրուած են սովորաբար 4 տարով. իսկ այդ ժամանակամիջոցում ծագում են այնպիսի խնդիրներ, որոնց մասին հետեւապէս ազգը կարծիք չէր կարող յայտնել՝ ընտրելով սորան կամ նորան պարլամենտի անդամ: Սովորաբար երբ դա շատ կարեւոր խնդիր է՝ և կառավարութիւնը համաձայն չէ պարլամենտի վճռի հետ, կառավարութիւնը արձակում է պարլամենտը և նոր ընտրութիւններ է նշանակում: Յամենայն դէպս դա լինում է մի կռիւ պարլամենտի և կառավարութեան և երբեմն նոյն իսկ կառավարութեան գլուխ կանգնած պետի միջև Բելգիայում ուրեմն պարլամենտի և թագաւորի միջև. մի կռիւ, որ կարող է կարստարեր հետեւանքներ ունենալ թագաւորական տոհմի համար:

Պէտք է կարծել թէ դորա դէմն առնելու համար և իւր հեղինակութիւնը ազգի մէջ որոնելու համար է որ Բելգիայի թագաւորը դնում է սահմանադրող ժողովին իւր առաջարկը ունեցեր ենդումի մասին:

Մուրճ-ի ընթերցողների ուշադրութիւն ենք դարձնում, որ 1890 թւականին յուլիսի 2-ին Բրիւսսելում, կատարւած հակասորկական ակտը վերջապէս ներկայ 1892 թւականի ապրիլի 2-ին վերջնականապէս վաւերացւեց և միջազգային օրէնքի զօրութիւն ստացաւ սկսած ներկայ թւականի յունիսի 2-ից: Այդ խնդիրը մենք

իւր ժամանակին շօշափել ենք նոյն այս էջերում: Այժմ, արդէն կատարւած իրողութեան առիթով հարկ ենք համարում նորից քննել մեր ընթերցողներին մարդկայնութեան այս երևելի ակտի մասին, որ դարիս պարծանքներից մէկը կը քիշէի ապագայում: Յայտնի է որ մարդկանց վերայ որսալը՝ նոցա բռնելու ու վաճառելու նպատակով, հետևապէս գերեզմանառութիւնը և իբր դորա հետևանք ստրկութիւնը աշխարհքիս վերայից դեռ ամբողջապէս վերացած չէ. հաստատ է այս ահռելի իրողութիւնը, որ ստրկութիւնը դեռ ևս գոյութիւն ունի մանաւանդ Աֆրիկայի խորքերում, ուր մարդորսութիւնը կատարւում է արաբ վաճառականների ձեռքով, էլ չխօսած այն աֆրիկական վայրերի պետութիւնների մասին, ուր ցեղապետների կամ թագաւորների համար իրանց հպատակները կամ հարևանները միայն կենդանի մսեր են: Լուսաւոր Եւրոպային մի դար ջանք էր նստել որ իսպառկորւի գերեզմանառութիւնը Աֆրիկայից ծովի վերայով դէպի ուրիշ աշխարհներ, բացի Աֆրիկայի արևելեան մասից, ուր դեռ ծովով գերեզմանառութիւնը կատարւում էր մինչ վերջին տարիները: Բայց Աֆրիկայի խորքերը, ուր Եւրոպան դեռ ևս հաստատ ուղք չէր կոխել, գերեզմանառութիւնը մինչ այսօր շարունակւում է հինաւուրց անգլթութեամբ և առևտրական մի ծաղկած ճիւղ է կազմում: Այդ դրութեան վերջ է ուղծւում տալ Բրիտանիայի Հակա-ստրկական ակտը համերաշխ գործակցութեամբ բոլոր պետութիւնների: Այդ մասին առաջին միջազգային խորհուրդը կամ կոնֆերենց սկսեց 1889 թ. նոր տոմարով նոյեմբերի 18-ին Բրիտանիայում և տևեց մօտ եօթն ամիս. ապա 1890 թ. նոյեմբերին նորից կայացաւ մի ժողով կոնֆերենցի անդամների: Ներկայացւած էին այգրենական կարգով՝ Անգլիան, Աւստրա-Ունգարիան, Բելգիան, Գերմանիան, Թուրքիան, Իտալիան, Իսպանիան, Կոնգոյի պետութիւնը ¹⁾ Հոլլանդիան, Պարուկաստանը, Պուրտուգալիան, Ռուսաստանը, Շվեդիա-Նորւեգիան,

¹⁾ Կոնգոյի պետութիւնը գտնւում է Աֆրիկայում, Կոնգո հսկայական գետի ընթացքով: Նա ստեղծեց Եւրոպական պետութիւնների վճռով, Բերլինի կոնֆերենցիում 1885 թ-ին: Այդ պետութեան պետը Բելգիայի թագաւորն է, և Կոնգոյի պետութեան կենտրոնական կառավարութիւնը Բրիտանիային է:

Ֆրանսիան, Հիւսիսային Ամերիկայի Միացած-Նահանգները— և վերջապէս Զանգիբարի սուլթանութիւնը: ¹⁾ Ակտը ստորագրելու համար նախ դժարութիւններ յարուցեց Հոլլանդիան, որ կոնֆերանցի ակտի մի քանի որոշումները աննպաստ էր գտնում իւր համար. բայց երկար տատանելուց յետոյ նա, ի նկատի առնելով դործի վեհ նպատակը, ստորագրեց: Ապա մի փոքր դժարութիւն եղաւ Թիւրքիայի սուլթանի կողմից ակտը ստորագրել տալու, քանի որ յայտնի է, որ ստրկութիւնը Ղուանում թոյլատրւած է: Բայց նա էս ստորագրեց: Բայց ամենից ուշ դժարութիւնների հանդիպեց դործը Ֆրանսիայի կողմից, որի պատգամաբորների ժողովը 25 յունիսի 1891 թ. մերժեց ընդունել այդ ակտը մի կէտի պատճառով, վերաբերեալ նաւերի հսկողութեան, բայց արդէն միաձայն ընդունեց նոյն ակտը ղեկտեմբերին 1891 իւր վերապահումն անելով նոյն կէտի մասին: Նման խոչնդոտների հանդիպեց դործը նաեւ Պորտուգալիայում, բայց այդ բոլորը դրսուեց այնպէս, որ ներկայ 1892 թ. ապրիլի 2-ին համաձայնութեան գործը հրատարակեց Բելգիայի պաշտօնական Moniteur belge թերթում, որ օրից 60 օր յետոյ, ուրեմն 2 յունիսի ակտը միջազգային օրէնքի զօրութիւն պիտի ստանար:

Մենք հարկ չենք տեսնում ակտը իւր ամբողջութեամբ ներկայացնել մեր ընթերցողներին, բայց աւելորդ չենք համարում նորա բովանդակութիւնը հաղորդել, աւելի կանգ առնելով կարեւորագոյն կէտերի վերայ:

I. Ստրուկների առևտրի երկիրները: Միջոցներ որ պէտք է դործադրւեն այն տեղերում, ուր գերեվաճառութիւնը իւր սկիզբն է առնում— Բրիւսսելի հակա-ստրկական գլխաւոր ակտը ցոյց է տալիս իբր ամենաազդու միջոց գերեվաճառութեան դէմ՝ լուսաւորւած ազգերի աֆրիկական կալոնիաների և նոցա հովանաւորութեան ներքոյ գտնւած երկիրների (ուր ի հարկէ գերեվաճառութիւն չկայ) բարգաւաճումը: Կամաց կամաց յետոյ պէտք է ամուր

¹⁾ Զանգիբարը մեծ կղզի է Աֆրիկայի արեւելեան ափից մի նեղուցով բաժանւած: Մինչ այդ ժամանակ Զանգիբարը մեծ շուկայ էր Աֆրիկայի ցամաքից բերած գերիների համար:

ու լաւ պաշտպանւած կայարաններ շինւեն այն տեղերում, ուր յաճախում են գերիներ որսողները: Երկրի մէջ գտնւած մեծ լճերը և գետերի վերին հոսանքները, որոնք ընդհատում են ջրվէժներով, պէտք է միացնել Աֆրիկայի եղրների հետ ճանապարհներով և մանաւանդ երկաթուղիներով, օգուելով նաև նաւագնացութիւնով, որպէս զի այժմայ բեռներ տեղափոխելու սովորական ձևը՝ բեռնակիրների ուսերի վերայ՝ կարելի լինի վերացնել: Նաւագնաց լճերի վերայ շոգենաւերը, ամերի վերայ շինւած ամրութիւնների հետ միասին պէտք է նոյն նպատակին ծառայեն: Ի հարկէ որ այդքան հեռու ամրութիւնները պէտք է ծովափերի հետ հեռագրաթելերով միացնել: Թուսդ գնդեր պէտք է նոցա միջև եղած ճանապարհները ազատ պահեն: Հրացանների և նոցա մթերքների (մուսիքիոն) ներմուծումը արգելւած է, առ այժմ 12 տարով—բոլոր երկիրների համար 20 աստիճան հիւսիսային լայնութեան և 22 աստիճան հարաւային լայնութեան միջև: ¹⁾ Արդեււած երկիրներից հրացաններ անցկացնելը դէպի այլ տէրութիւնները կախւած է ձեռնհաս տէրութեան թուլտութիւնից:—Այն վերը յիշած ամրացրած կայարանները պէտք է նաև կողմնակի նպատակների ծառայեն. նոքա պէտք է ապաստարան լինեն տէրերից փախած ստրուկների համար, դատաստանատեղի լինեն, տեղացիների համար ուսումնարան լինեն—նաև երկրագործութեան և առևտրի վերաբերեալ,—լինեն յենակետեր առևտրական ձեռնարկութիւնների և կրօնական առաքելութիւնների համար ու միաժամանակ պէտք է պահեստների տեղ լինեն առողջապահ միջոցների համար:—Ստորագրող պետութիւնները իրար պէտք է օգնեն ստրուկների առևտրի դէմ ուղղած բոլոր ձեռնարկութիւնների մէջ:—Մինչ մի տարի պէտք է ստորագրած պետութիւնները պատժական օրէնքներ հրատարակեն դերեվաճառութեան դէմ:—Ազատւած ստրուկները, եթէ կարելի է, պէտք է իրանց հայրենիքը հասցնեն, թէ չէ՝ երկրում բնակւեն:

Այնուհետև դալիս են որոշումներ հետևեալ կէտերի վերաբերեալ.

II. Քարւանների ճանապարհները և ստրուկների տրանսպորտը ցամաքով:

¹⁾ Ընդամենը ուրեմն 42 աստիճան. մի աստիճանը հաւասար է 105 վերստի:

III. Խափանումն ստրկութեան ծովի վերայ: Միջոցը այն է որ կասկածաւոր նաւերը կարելի լինի խուզարկել: Այդ իրաւունքը սակայն պէտք է բանեցնել միայն այն նաւերի նկատմամբ, որոնք 500 թոնն կամ պակաս ջուր կարող են պարունակել, որովհետեւ ենթադրում են թէ լուսաւորւած ազգերը ծովը ուղարկում են միայն զորանից աւելի մեծ նաւեր, որոնց նկատմամբ ստրուկներ տեղափոխելու կասկած չի կարող լինել: Բացի զորանից խուզարկելու շրջանը որոշւած է միայն Հնդկական օվկիանոսը, որ շփում է նաև Աֆրիկայի արևելեան ափը:

IV. Այն երկիրները, որոնք թոյլ են տալիս տնային ստրկութիւնը: Բրիւսելի կոնֆերէնցը չէր կարող զբաղւել նաև տնային ստրկութիւնը վերացնելու խնդրով. դորա համար հարկաւոր կը լի նէր որ Եւրոպան յանձն առնէր մի անողորմ պատերազմ Ղուանի կրօնական որոշումների դէմ և բացասէր զործակցութիւնը Պարսկաստանի և Թիւրքիայի, որոնք կարեւոր դեր են կատարում աֆրիկական ստրուկների արտահանման գործում: 1890 թւականին այդ կողմից դեռ դեր էր կատարում Զանզիբարի սուլթանութիւնը, որ այժմ արդէն այլ ևս դեր չի կատարում, քանի որ անցեալ տարւանից դէս նա ընկել է Անգլիայի գերիշխանութեան ներքոյ: Նաև գերմանական Վերելեան Աֆրիկայում տնային ստրկութիւնը օրէնքով ճանաչւած հաստատութիւն է: Բայց այդ չիշեալ պետութիւնները պարտաւորւել են ստրուկների ներմուծումը, միջանցումը և արտահանումը, մի խօսքով գերեվաճառը, մանաւանդ երեխաների անդամախեղութիւնը իրանց երկիրներում թոյլ չը տալ: Ամեն մի ստրուկ, որ իւր երկրի սահմանը անցնում է, ճանաչւում է որպէս ազատ: Նկատենք նաև որ Թիւրքիայում գերեվաճառութիւնը արգելւեց սուլթանի հրամանով առ 4 դեկտեմբերի 1889 թ.:

V. Այս ակտի իրադրոճումը ապահովող սարք ու կարգեր: Այստեղ գլխաւորն է մի Վիջազգային ծովային բիւյրօր հաստատումը Զանզիբարում, որ պէտք է լինի տեղեկութիւնների կենտրոնատեղ և որտեղից պէտք է հաղորդեն ցանկացած տեղեկութիւնները:

VI. Միջոցներ՝ ոգելից խմիչքների առևտրի սահմանափակման վերաբերեալ: Դորանով որոշւում է որ 20 աստիճ. հիւսիս. լայնու-

թեան և 22 աստիճան հարաւային լայնութեան միջև գտնւած երկիրների համար կամ բոլորովին արգելել կամ դժարացնել սպիրտային խմիչքների ներմուծումը:

VII. Վերջնական որոշումներ: Որոնցով վճռւում է՝ վերացրած համարել այս ակտից առաջ եղած այն համաձայնութիւնները պետութիւնների մէջ, որոնք ներկայ ակտին հակառակ են. այս ակտի այլ և այլ կէտերը կարելի է ապագայում փոխել ընդհանուր համաձայնութեամբ. թոյլ է տրւում նաև ուրիշ պետութիւններին մասնակցել:

Թէ այս ակտի շնորհիւ երբ վերջին ստրուկը Աֆրիկայում ազատւած կը լինի—այդ դեռ ի հարկէ միայն ժամանակը կը տայ պատասխանը: Բայց մի բան կ'ըզենք չիշել այս խնդրի մասին այս անգամ վերջացնելու համար: Ներկայ դարի սկիզբներում ստրկութիւնը իրանց կոլոնիաներում վերացնելու դէմ հակառակւում էին դեռ ևս այնպիսի կոլոնիական պետութիւններ ինչպէս Ռսսիան, Պորտուգալիան. իսկ այսօր ստրկութեան, գլխաւորապէս գերեվաճառի, վերացումը համարւում է նախնական պայման ամեն մի կոլոնիական գործունէութեան: Տեսարանը հետեւապէս շատ փոխւել է: Այդ պատճառով այդ կոլոնիալատորական գործունէութեան ամենակատաղի թշնամիները Աֆրիկայում՝ արաբական մարդորսներն են և ովքեր միայն կապւած են նոցա հետ: Բայց որ գլխաւորն է՝ աւելի իդէալական հայեցողութիւնը այսօր յաղթանակը տարաւ ստոր շահախնդրութեան վերայ: Խնդիրը այժմ նրանումն է որ կուլտուրան տարածելով՝ պարապ հողերը մարդկութեան օգտին ծառայացնեն և մարդավայել յարաբերութիւններով այժմ վայրենի տեղերում հասարակութիւններ ստեղծեն, և ոչ թէ աւելի ստոր գտնւած ազգերը կոպիտ ոյժով հարստահարւեն:

Մեր անցեալ անգամայ յօդւածում չիշատակեցինք այն մեծ ընդունելութիւնների մասին, որոնց արժանացաւ իշխան Բիսմարկը Վիեննայում, Դրեզդէնում և Միւնխէնում: Այդ ճանապարհորդութիւնը, որ Բիսմարկը արաւ իւր որդու ամուսնութեան առիթով, պատեհ առիթներ տւեց նրան կարծիքներ յայտնելու գերմանական

այժմեայ կառավարութեան վերայ, որով նա վերջինիս դրդեց իւր դէմ մինչ անց աստիճան, որ քիչ էր քնացել Բիսմարկը դատի կանչէր: Այդ բոլորը սակայն ոչ մի կերպ չը խանգարեց որ Բիսմարկը նորանոր և չը տեսնած ծաւալով ովացիաներ ընդունի այլ և այլ քաղաքներում և հրաւէրքներ ընդունի ուրիշ տեղեր ևս այցելելու: Յիշած քաղաքներից յետոյ Բիսմարկը սակայն կարողացաւ ընդունել միայն Կիսինգէն և Ննա քաղաքացիների հրաւէրքը: Մենք ի հարկէ չենք կարող այն բոլոր, անթիւ-անհամար ցոյցերի նկարագրութիւններն անել, որոնց մեծ քաղաքադէտը և հայրենասէրը առարկայ եղաւ և ոչ էլ թարգման լինել այն բոլոր ճառերի և խօսքերի, որ նա արտասանեց: Բայց նորա խօսածներից մէկին մենք առանձին կարեւորութիւն ենք տալիս. այդ այն է որ նա արտասանեց Ննայում մեծ բաղմութեան առաջ: Դա մի քաղաքական ճառ է, որ հետաքրքրական է իւր բոլոր մանրամասնութիւնների մէջ, բայց մանաւանդ ուշադրութեան արժանի է ճառի այն կտորը, որ վերաբերում է իւր կարծիքին՝ պարլամենտի նշանակութեան մասին Գերմանիայում, որի հետ նաև սերտ կապ ունի անշուշտ Բիսմարկի ապագայ գործունէութեան բնաւորութիւնը: Այդ նշանաւոր ճառը մենք առաջ ենք բերում իւր ամբողջութեամբ, ծանօթութիւնների մէջ լուսարանելով շատերի համար թերևս մութը պատմական կէտերը.

«Իմ լարդելի համաքաղաքացիք Թիւրինգեան երկրի! Նախ ես սրտանց շնորհակալութիւն եմ չափում այն սրտանց ընդունելութեան համար, որ ես գտայ Ձեզ մօտ, և ես չեմ կարող լինձ լուզող մտքերը աւելի լաւ արտապատել, քան Ձեզ նկարագրելով իմ լարաբերութիւնները այս երկրի հետ անցած ժամանակներից, Երբ երեխայ ես ալստեղ առաջին անգամ ծանօթացայ ժպտերի, սարերի և բուրգերի հետ իրանց պատմական լիշատակներով.— ալստեղ, Բրանդենբուրգի և Պոմերանիայի հիւսիսային տափաստանի տեսարանը բոլորովին այլ է: Մանկական այս առաջին տպաւորութիւնները հիւանցին իմ մէջ Թիւրինգիայի դադափարի շուրջը ուսմանտալմի մի նիւթու, որ սնուցանում էր մանաւանդ լիշողութիւններով վարարուողի, նորա նախկին ժամանակների, Լութերի եկեղեցական վերանորոգութեան և մեր դերմանական լեզւի դարգացման վերայ: Լութերի Աստածաշնչի թարգմանութիւնը առաջի սկիզբն է մեր լեզւի միութեան, որ մինչ այն ժամանակ բարբառների վրայ էր ցրած: Աւելի հասուն երիտասարդութեանս ժամանակ պէտք է սովորել թէ մեր ոգեկան

մանքներ միայն ինձ ազատ պահեցին բուրձնշափտային գործունէութեան մէջ խրելուց: Մարկեան (պոմերանեան) առաջալին հողին էլ ալն ժամանակ ալն քան օտար չէր գերմանական ազդալնութեան զգացմունքը, որ մի որքան և իցէ կենդանի ոգի իւր մտքով զգար և գործէր:

Այդ զգացմունքի զարգացման մէջ ես չափով խանգարեցի 1848 թականի անցքերով: Բերլինի փողոցներում մղած կռիւը մեր իսկ երկրացիների դէմ, ալն գոյների դէմ, որ ես հպարտութեամբ կրում էի որպէս սպալ, լեռադարձ դառն հարած տւեց իմ զգացմունքին, որ ես իմ մէջ դեռ ամբողջապէս չէի մեռցրել: Նրբ մենք առաջին անգամ Երֆուրտի պարլամենտում հաւաքեցինք, ալնտեղ ես առաջին անգամ երկար ժամանակով նորից տեսալ Թիւրինգներ, եթէ չհաշտու լինենք ալն կարճ մնալա Մնալում, որ աւելի կարճացնելու հարկաւորութիւն ունեցալ ալն ժամանակալ սննատը (Խնդութիւն): Գերմանական միութեան պտուղը դեռ ես հասուն չէր Երֆուրտում: Քանի որ մենք ապրում էինք Աւտրիայի հետ դուալիսմի մէջ, ալդ դուալիսմի զարգացումը շատ շատ կարող էր Գերմանիայի Հիւսիսին և Հարաւին իրարից բաժանելուն հասցնել: Նրդի վերջը եկած կը լինէր, եթէ դուալիսմի հանգուցը սրով չը լուծէր: Աս լիւեցնում եմ ալդ պնդելու համար, որ ալն ներքին պատերազմը, որ մենք 1866 թականին վարեցինք, միանգամալն անխուսափելի էր: Մենք պէտք է գերմանական ձեով ու դիտաւորութիւնով իրար հետ ծեծէինք մեղ աստաւածալին դատաստանին լանձնելով, իմանալու համար թէ որ կողմը կը լինի ջլճիւը բարձրագոյն իշխանութեան նկատմամբ: 1): Ալդ

1) Գերմանական անկախ պետութիւնների թիւը 25-ից անց էր: Դոցա մէջ երկուար մեծ պետութիւններ էին՝ Աւտրիան և Պրուսիան: Բոլորի մէջ մի ընդհանուր քաղաքական կապ ստեղծելը մի իղէալ էր, որին ձգտում էին բոլոր հալքնասէրները: Երֆուրտի, ապա Ֆրանկֆուրտի պարլամենտները, որ ընդհանուր գերմանական էին, ծնունդ էին ալդ ձգտումներին: Ալդ ընդհանուր գերմանական խորհուրդներում զլխաւոր ազդեցութիւն ունենալու խնդիրը երկպառակտում էր Աւտրիային և Պրուսիային և կուսակցութիւնների բաժանում միւս մանր պետութիւններին: Ալդ անվերջանալի հակառակութիւններին և երկպառակտումներին վերջ տրւեց 1866 թականին Պրուսիայի և Աւտրիայի իրար հետ մղած մեծ պատերազմով: Որի վճռողական ճակատամարտը եղալ Աւտրիական Կոսենիգուդէց քաղաքի մօտ և ուր վերջացալ պատերազմը լօգուտ Պրուսիայի: Իրամարկը ալդ ժամանակ Պրուսիայի արտաքին գործերի մինիստրն էր: Պրուսիան իւր ալդ լաղթութիւնից օգտւեց մի նոր միջազգային կազմակերպութիւն ստեղծելով գերմանական պետութիւնների համար: Աւտրիան դուրս գցւեց ընդհանուր գերմանական խորհրդից, իսկ մնացած բոլոր գերմանական պետութիւնները Պրուսիայի հետ և տրալ գլխաւորութեամբ կազմեցին «Հիւսիսալին գերմանական միութիւն» անունով մի զաշնակցական պետութիւն ընդհանուր պարլամենտով (ուալիստակ) Բերլինում և մի-

կատարեց, և կատարեց չափաւորութեամբ, ինչպէս վազել է հալընակից-ներին, Մեր ական ժամանակաւ հակառակորդի մէջ մենք չթողինք անհաշ-տելի տրամադրութիւն, Մեզ լաջողեց Աւտորիակի հետ նոյնպիսի լարա-տելի տրամադրութիւն մէջ մտնել, ինչպէս որ Ֆրանկֆուրտի սահմանադրական ժողովուրդները կազմողները ձգտում էին առանց իրագործել կարողանալու ծրագիրները կազմողները ձգտում էին առանց իրագործել կարողանալու Պէտք է ուրեմն բարի Աստուծոյն ժամանակ թողնել որ Նա իւր գերմա-նական ազգը անապատի միջով անցկացնի և սպասել որ հասցնի աւե-տեաց աշխարհը, որի մէջ ենք մեզ կարծում արդէն (Խնդութիւն), Բացի աւտորիականից, մենք անհրաժեշտօրէն պէտք է վարէինք նաև Ֆրան-սիական պատերազմը, որովհետև մեր նոր հիմնարկութիւնների համար մենք կարօտ էինք ոչ միայն Աւտորիակի ալ և եւրոպական սենյորների կոնկրետի համաձայնութեանը Այդ պատճառով մենք կարիք ունէինք որ Ֆրանսիակի հետ պատերազմը առանձնապէս կարողանալինք վարելու Ամ-բողջ Ներքալի մի կողմիցիակի դէմ, մի կողմիցիակի, որպիսին Նոթմ-ամեայ պատերազմի ժամանակ եղաւ, մեր գործը շատ անլի դժւար և ան-աջող կց լինէր, Գերմանական ազգի աստուածալին առաջընթացներն է պատկանում, դէպի որը ես նաև ապագայի համար հաւատ ունեմ, որ ար-պիսի քաղաքական պատահարների, որ ոչ ոք չէր կարող նախատեսնել, Ռուսաստանի և Աւտորիակի մէջ ունեցած կապը կործանեցին և արդէն էլ արդէն, որ Օլմիցեան կապակցութեան բաժանումից մեր ազգային քա-ղաքական նպատակների համար օգնել կարողացանք, Նոյն 1866-ին Աւտորիան և Ռուսաստանը նոյն միութեամբ մեզ դէմ կանգնած լինէին, ինչպէս Օլմիցի օրերին—միայն Աստուած գիտէ թէ արդեօք մեր լաջողու-թիւնը նոյնը կը լինէր և թէ մենք նոյն ատիճանի վերաջ կանգնած լի-նէինք, Ֆրանսիակի դէմ կռի մէջ, որ խօս պէտք է վարէինք, ինչպէս որ ամեն զարում երկու կամ երեք անգամ պատահել է, մենք անլի թուլ կանգնած կը լինէինք և թերևս բաղաւոր չլինէինք:

ութիւն կազմող պետութիւնների ներկայացուցիչների մի ժողովով՝ նա-խագահութեամբ Պրուսիակի թագաւորի կամ սորա ներկայացուցչի, Այդ «Հիւսիսային գերմանական միութիւն» էր, որ 1870-71 թւականին պա-տերազմ մղեց Ֆրանսիակի դէմ և լաղթեց նորան, Գիւղես պատերազմը չլերջացած, 18 յունւարի 1871 թւականի համաձայնութեամբ միութիւնը կազմող բոլոր պետութիւնների ալ միութիւնը հռչակեց «կայսերու-թիւն» և կայսեր տիտղոսը տրեց Պրուսիակի թագաւորին, Այդ ամենում գլխաւոր գործիչը մինիստր Բիսմարկն էր, Կայսերութեան սահմանադրու-թեան գլխաւոր հիմքը կազմեց նախկին «Հիւս. Գերմ. Միութեան» սահ-մանադրութիւնը, բայց նորա մանրամասնութիւնների մէջ մտնելը ալժմ տեղը չէ: Այդ գործը գլուխ բերելուց շուտ Բիսմարկը լաջողացրեց 1879 թւականին Գերմանիակի սերտ և դաշնագրով ամրապնդած բարեկամու-թիւնը Աւստրիա-Ունգարիակի հետ

Այդ պատերազմները անհրաժեշտ էին. բայց մի անգամ որ ճոքա վարեցին, այլ ևս ևս հարկ չեմ տեսնում ճոր պատերազմներ վարելու: Մենք ճոցա մէջ որոնելու ալլ ևս բան չունենք: Ես դատարկ կամ անձարպիկ բան եմ համարում, եթէ մենք ճոր պատերազմներ մղելու դրութեան մէջ մեղ դենք, առանց ստիպած լինելու օտարների վարձակում: Ներից: Այն ժամանակ ի հարկէ մենք ալնքան ուժեղ կը լինենք, որքան Գերմանիան է Սերոպալի մէջ տեղում: Այդ նշանակում է թէ իւր հարեաններին հասուն լինել, եթէ ճոքա միանան անգամ, բայց միայն պաշտպանողական դիրքում: Յարձակողական կարինետալին պատերազմներ մենք չենք կարող վարել: Ամեն մի ազգ, որ կարինետալին պատերազմ վարելու հարկի մէջ է դնում իրան, իսկական սահմանադրութիւն չունի: Մի պատերազմ, ուր իսկ չաղթանակը, բարերար հետեանքներ չունի մի ազգի համար: 1870-ից մենք աշխատել ենք պատերազմներից խուս տալ, և ամենից առաջ ճոր գերմանական կալսերութեան համար խաղաղութիւն պահպանել, որովհետեւ ճորա ներքին չէնքսը մեր գործունէութիւնը ամբողջապէս կկանուծէր, ալո՛, մինչև անգամ պահանջում էր մի տեսակ դիրքատնորական գործունէութիւն, որ ևս իբրեւ մի մեծ պետութեան մշտական հաստատութիւն չեմ ցանկանում:

Մենք մեր ամբողջ ուշադրութիւնը դարձրինք պետութեան հիմնարկութիւնների հաստատման վերալ, ալն մտքով որ բոլոր գերմանացիք ալլ հիմնարկութիւնները սրէին, որպէս մի սեպականութիւն, որ պաշտպանելու համար ճոքա բոլորը պատրաստ կը լինէին (Ողետրած հաւանութիւն): Թերեւ գործը դեռ ևս պատրաստ չէ: Բայց ճա կարող է պատրաստ լինել, եթէ մենք ունենանք մի ուժեղ պարլամենտ, որպէս վաւերող կէտ ազգալին միութեան ղգացմունքի (Հաւանութիւն): Մի պարլամենտ չի կարող ուժեղ լինել, եթէ ճա կուսակցութիւններով պատռտած է: Այն ժամանակ ամեն մէկի ձեռքում կը լինի՝ եղած Ֆրակցիաները և ստորաֆրակցիաները իւր համոզմունքի և ձայնատւութեան համար շահեցնել, և մի դժբաղդութիւն է, եթէ մենք Ֆրակցիաների մրցումների և կուսակցութիւնների—do ut des տենդենցիալի—մէջ ընկենք: Առանց մի ռալխստաղի, որ չնորհիւ իւր գոգում ունեցած մի մշտական մեծամասնութեան կարողանալ ժողովրդական ներկայացուցչութեան պարտքը ալնպէս կատարել, որ ճա կառավարութեան քննադատէ, վերահսկէ, ղգուշացնէ, նալած հանգամանքներին ճակ առաջնորդէ, մի ռալխստաղ, որ կարողանալ ալն հաւասարակշռութիւնը իրագործել, որ մեր սահմանադրութիւնը ուղեցել է ստեղծել կառավարութեան և ժողովուրդի ներկայացուցիչների մէջ: Առանց ալլպիսի մի ռալխստաղի ևս հոգսի մէջ եմ մեր ազգալին հիմնարկութիւնների տեղականութեան և հաստատութեան նկատմամբ (Ողետրած հաւանութիւն): Այժմեալ օրս մենք չենք կարող մի ղուտ ղինաստիական քաղաքականութեան նվարել, մենք պէտք է ազգալին քա-

դաճականութիւն ունենանք, եթէ ուզում ենք զոլութիւն ունենալ: Այդ բանը հետեանք է ալն քաղաքական զարգացման, որ ալս վերջին կէս դարում Նւրոպայում կատարւել է: Բալց որպէս զի ազգային քաղաքականութիւն անենք, մենք պէտք մի ազգային ներկայացուցչութիւն ունենանք, որի գործը ամենից առաջ պէտք է լինի ազգի կարիքները և ցանկութիւնները ի նկատի ունենալ: Մենք չենք կարող կառավարւել զոլութիւն ունեցող ֆրակցիաներից որ և է մէկի ղեկավարութեամբ, իսկ ամենից քիչ՝ Լեւո-րոնի ¹⁾ ղեկավարութեամբ (Ոգետրած հաւանութիւն): Աս կարծում եմ, որ կաթոլիկական խնդիրներում մենք կարող ենք աւելի հեշտութեամբ գործը տանել, եթէ հռոմայական կուրիայի հետ բանակցենք մի նու-ցիուսի ²⁾ միջնորդութեամբ Բերլինում, քան եթէ նուցիուսի տեղը բռնի պապի ազդեցութիւնը կենտրոնի միջոցով:

Այս վերջինը ես գտնում եմ աւելի վտանգաւոր մեր ազգային նպա-տակների համար, քան ինչ կարող էր լինել մի նուցիուս: Դրանով ես չեմ ուզում բառեխօսել որ մի նուցիուս կոչւի մեզ մօտ. ես ալս խօսքերը ասում եմ միայն իբր արտալուծութիւն մի դատողութեան, որ ես չըջում եմ հետս կենտրոնի ալմսնալ ղեկավարութեան պատճառով: Աս ալդ կենտ-րոնը վտանգաւոր եմ համարում, ոչ միայն դաւանական խնդիրներում, ալ գլխաւորապէս ազգային խնդիրներում: Նա քանդում է ալն ամենը, ինչ որ մենք մեր արեւելեան սահմանների մօտ Լեհաստանում գերմանական բան ենք շինել: Ամբողջ կուլտուրկամպֆը աւելորդ կը լինէր, եթէ դորանից կախ ընկած չը լինէր լեհական խնդիրը: Բալց նա կախած էր նրանից: Այն ժամանակ պատէս կոչւած կաթոլիկական բաժանմունքի խնդրում նու-ցիուսը մի օտար զիպլոմատ չէր, ալ նա պրոտական մինիստրութեան մի-ջոմն էր,—մի բաժանմունք, որ սկզբում հիմնւած էր թագաւորի իրաւունք-ները պաշտպանելու համար եկեղեցու գէմ, բալց որ ալն տեղը հասաւ, ու իրապէս պաշտպանում էր եկեղեցու և լեհացիների իրաւունքները թագա-ւորի դիմաց: Դա անցեալի մի տեսութիւն է: Ձեզնից ոմանք պատմութիւն են ուսանելու. ես չէի կարող ալս չը լուսաբանւած թողնել: Բալց մի բան կարող էինք սովորել կենտրոնից,—դա կարգապահութիւնն է և բոլոր կողմնակի և կուսակցական նպատակների զոհաբերումը մի մեծ նպատա-կին: Դուք տեսնում էք կենտրոնում (կաթոլիկ կուսակցութեան) ամու-նահեռաւոր քաղաքական տարրեր միացած: Իմ վիշողութեամբս՝ բոլոր ժամանակներում նորա մէջ կալին միանգամայն ուէակցիոնէր (լետագնաց):

¹⁾ Կենտրոնի կուսակցութիւնը Գերմանիայում կոչւում է կաթոլիկ պապական կուսակցութիւնը, որի գլուխն էր մինչ 1891 թ. ապրիլ 1-ից Վինդհորստ: Վերջինիս մասին տես մեր լռագածը «Մուր» 1891 թ. № 4-
Z.

²⁾ Նուցիուս նշանակում է Հռոմի պապի ղեկավար:

ազնականներ, միահեծաններ (արսուռուտ), պահպանողականներ և մինչև անգամ աղատամիտներ (ֆրէզլիննիդ), մինչև իսկ սոցիալ-դեմոկրատներ, և նոքա բոլորը իբր մի մարդ ձալն են տալիս ալն բաների մասին երբ նոցա խելքը ասում է թէ եկեղեցու շահերը աղ պահանջում են, Դէ՛ չենք կարող մենք ես, քանի որ մենք մի ազգային եկեղեցի չունենք, կուսակցութիւններից վեր մի աղալիսի գերիշխող համոզմունքից պինդ բռնել, ալն է վճռած լինել ալն ամենի օգտին ձալն տալ, ինչ պահանջում է մեր ազգային հաստատութիւնը և ապահովութիւնը, և ալն ամենի դէմ լինել, ինչ ալն թաղում է և խանգարում, և պարզ չէ որ ֆրակցիաների զանազանութիւն չը պէտք է լինի ալն ֆրակցիաների մէջ, որոնք առհասարակ գերմանական պետութեանը օգնել և նրան պահպանել են ուղում— և ամենին բոլորը չեն ալղպէս,—ալ որ նոքա պէտք է մի կարտէլ (միութիւն) կազմեն, Մենք ուզում ենք հալոնիքի շահերը շատ վեր դասել և ամեն մի խնդրի աղ տեսակէտի ներքոյ դնել, ինչպէս որ Կենտրոնն է ամեն ինչ հոռմալական—կաթոլիկական տեսակէտից քննում ¹⁾ Կենտրոնից կարելի է սպասել ամենամեծ հակասութիւն և ամենամեծ անհետեղականութիւն, Բայց հէնց որ ալն ձեռնհաս աւտորիտէտը լալանում է թէ մալ են պահանջում եկեղեցական շահերը, էլ նոքա մի ակնթարթ չեն տատանւում—*la udabiliter sese objiciunt*, Ինչո՞ւ մենք չը պէտք է նման բանին հասնենք ազգային ասպարէզի վերալ, ինչու չը պէտք է մենք մեր ազգային համոզմունքներին նոյն եռանդով և բացառապէս ծառաւենք, ինչպէս որ Կենտրոնի անդամները սկսած Լիբէրից և Հիցէլից մինչև պարոն ֆոն Շորլեմբեր (ծիծաղ), որոնք ամենքը մի սանրի վերալ են բուրդ խուլում, Ալ դ բանը նոյն չափով սպասելի չէ մեր բարեկամներից նոցանից, որոնք անկախ են ուղում մնալ, բայց աղ միշտ պէտք է աչքի առաջ ունենալ, Թշնամուց պէտք է սովորել, և ես որպէս առաջ, նոյնպէս և ալժմ համարում եմ Կենտրոնը գերմանական պետութեան թշնամի իւր հակումներով (տենդէնց) և ոչ լանձին նորա բոլոր անդամների, Շիտակ գերմանացիք նոցա մէջ կան անաղին թւով, բայց առաջնորդող ուղղութիւնը (տենդէնցը) ալնպէս է, որ ես դժբախտութիւն և վտանգ եմ համարում պետութեան համար, երբ կառավարութիւնը իւր ղեկավար խորհրդատուները վերցնում

¹⁾ Մեր ընթերցողներին աւելորդ չէ ասելը, որ ալնքան մեծ ուշադրութիւն որ նւիրում է Բիսմարկը Կենտրոնին, ալսինքն հոռմալական-կաթոլիկ կուսակցութեան, նրանով է բացատրւում, որ գերմանական ուշխատադում եղած բոլոր կուսակցութիւններից, առանձին-առանձին վերցրած, Կենտրոնի կուսակցութիւնը թւով և դիւսցիպլինով ամենից ուժեղն է. մինչդեռ Կենտրոնին հակառակ կուսակցութիւնները բաժանւած են և իրար հալածում են, Բիսմարկի չաջորդ պետական կանցլէր կոմս Լապրիւին զգալապէս գտնւում է Կենտրոնի ազդեցութեան ներքոյ, Ն.

մանակ, առաջին մեծ քաղաքական խօսքն է որ նա արտասանել է իւր պաշտօններից հեռացրած օրից 1890 թ. մարտի ամսից: Այս ճառը ցոյց է տալիս, որ Բիսմարկը աներկբայ կերպով զբաղւած է նախագծով՝ այն ազդեցին մեծ գործը, որ նա մեծամեծ զգարու-
թիւնների մէջ յաջողութեամբ սկսել է ստեղծել իբր մինիստր և կանցլէր, այժմեանից արդէն պետութեան պարլամենտի միջոցով է ուղում առաջ տանել: Պէտք է ասած որ իւր երկարամեայ պաշտօնա-
կան դիրքում Բիսմարկը իւր դիքտատորութեան հասնող իշխանու-
թիւնը շարունակ պարլամենտի հետ կռիւ տալով էր պաշտպանում: Իսկ այժմ իւր յոյսերը նա պարլամենտի վերայ է դնում: Բոլոր այն երկիրների թերթերը, որոնք դերմանական նոր պետութեան ստեղ-
ծելովը և Բիսմարկի քաղաքականութիւնովը իրանց զգում են նե-
ղացած դրութեան մէջ — ամենից առաջ աշխատեցին չարախնդաց
կերպով մատնանիշ լինել Բիսմարկի այս առերեւոյթ հակասական
վարմունքի վերայ: Բայց այդ մտքով աւելին արին Բիսմարկի թըշ-
նամի գերմանացի թերթերը, որոնց անձնական հաշիւներին ան-
տեղեկները միամտաբար աշխատեցին արձագանք լինել նաև այլ
երկիրներում: Բայց արժէ միայն ցանկութիւն ունենալ ըմբռնել
քաղաքական էությունների երևոյթները, և մենք կ'անէինք այս-
պիսի դատողութիւն. Բիսմարկը որպէս գլխաւոր աշխատակից գեր-
մանական նոր պետութիւնը ստեղծելու գործում, որպէս այդ պե-
տութեան գաղափարի ամենահեղինակաւոր և միևնույն ժամանակ
ամբողջ աշխարհից վկայւած ամենակարող ներկայացուցիչը,
աշխատում էր մինիստր և կանցլէր եղած ժամանակ, որքան որ
տեւեց հաւատը դէպի նա իւր մոնարխների կողմից, ամրապնդել
նորահաստատ պետութեան հիմունքները այն եղանակով, որ պար-
տիկուլարիստական ձգտումները և այլ հանգամանքները չկարողա-
նան ծաւալ ստանալ և հաստատուած միութիւնը խախտել: Բիս-
մարկը, տեսնելով իւր այդ նախագծած և անհրաժեշտ ծրագրի
դէմ այլ և այլ խոչնդոտներ դերմանական պարլամենտում, վախենալով
որ իւր հակառակորդների ձեռքում ամբողջ գործը կարող է թերի
մնալ և խորտակել, մարանչում էր պարլամենտի այլ և այլ նոյն
խկ իրար հակառակ կուսակցութիւններից կազմող մեծամասնու-
թիւնների դէմ: Այդ անելով նա ունակոխ չէր անում սահմանա-

դրութիւնը, այլ հէնց ինքը օգտուում էր սահմանադրութիւնից տուած իրաւունքներից, և երբ իւր խօսքը չէր ազդում իւր համար մեծամասնութիւն գոյացնելու համար՝ նա դիմում էր ծայրահեղ բայց և սահմանադրական միջոցին, - նա արձակել էր տալիս պարլամէնտը, դիմելով ազգին նոր ընտրութիւններ անելու համար, Եթէ ազգը միշտ աւելի ձայն էր տալիս յօգուտ Բիսմարկի նախագիծներին, ինչով էր այդտեղ մեղաւոր Բիսմարկը: Եւ եթէ այսքան տարիների ընթացքում գերմանական պարլամէնտում չը կարողացաւ կազմել մի կոմպակտ և տեղական մեծամասնութիւն ընդդէմ Բիսմարկի ժամանակաց կառավարութեան և որը կարողանար սորան դէմ դնել մի այլ, ազգի մեծամասնութեան հաւանութիւնը գտած ծրագիր, միթէ միայն Բիսմարկն էր որ պէտք է չարգէր գոյութիւն ունեցող կուսակցութիւնները և զլուխ խոնարհէր նոցա առաջ, և այդ անէր այն մարդը, որի իւր ազգին ու հայրենիքին մատուցած ծառայութիւնները իսկի չի կարելի համեմատել անգամ որ և է ժամանակակից մարդու իւր ազգին ու հայրենիքին մատուցած ծառայութիւնների հետ, այն աստիճան Բիսմարկին ընդհամեմատելի գերազանցութիւն ունենալ Բիսմարկի վարած կռիւնները պարլամէնտի մեծամասնութիւնների դէմ մի անձնապատան մարդու կամակորութիւնիցը չէր, այլ այն մեծ վստահութիւնից, որ ունէր նա դէպի գերմանական ազգը: Զը լինէր այդ հանգամանքը, կայսր Վիլհելմ I չէր պնդիլ նորա մի-նիստը միալու վերայ, թէ չէ նա իւր դէմ կը զինէր ամբողջ ազգը: Մի խօսքով քանի որ պետութեան ղեկավարը Բիսմարկն էր, երկրի քաղաքականութեան նժարի ծանրութիւնը ոչ թէ պարլամէնտի այլ Բիսմարկի կողմն էր, լոկ այն պատճառով որ հասարակաց կարծիքում Բիսմարկի անձնաւորութիւնը անհամեմատ մեծ կշիռ ունէր, իսկ այդ կշիռը ունենալու պատիւը նա վաստակել է ազգին մատուցած գերազանց ծառայութիւններով: Ախէր նոյն մարդը պարլամէնտի անդամ, հաւանական է որ պարլամէնտը աւելի մեծ նշանակութիւն ունենար: Գործին ծառայած լինելով մինիստր եղած ժամանակ՝ նա նոյն գործին կը ծառայի նաև իբրև պարլամէնտի անդամ: Երէկ նա գործը ազատելու համար կռոււմ էր պարլամէնտի կուսակցութիւնների դէմ, որոնք իրան հակառակ էին, այսօր նա նոյն գործի համար կռոււմ է կառավարութեան դէմ, որ իւր

կարծիքով լաւ չէ վարում պետական գործերը, և վտանգաւոր է համարում մանաւանդ կաթողիկ կուսակցութեան հաճոյանալը կառավարութեան կողմից: Միւս կողմից այն պարլամէնտի դէմ, որի դէմ երէկ էր կուռմէյ, Բիսմարկը կուռմէյ նաեւ այսօր, քանի որ նա համոզուած է, որ այժմեայ կուսակցութիւններէից մի զօրեղ յառաջատար մեծամասնութիւն կաղմել անհնարին է, և այդպիսին մէկը իսկի չկայ էլ: Եւ, որպէս պէտք է ենթադրել, Ննալում խօսած ճառով, որ ամբողջապէս առաջ բերել մենք հարկ համարեցինք, Բիսմարկը անհարկում է իւր մտադրութեան վերայ՝ յեղաշրջում կատարել Գերմանիայի քաղաքական կուսակցական կեանքի մէջ, զլուխ կանգնելով մի կուսակցութեան, որի նմանը նա զուր էր որոնում իւր կանցլէր եղած Ժամանակ: Եւ թէեւ չի կարելի հաւատալի կերպով ասել թէ Բիսմարկին իւր այդ նոր ձեռնարկութիւնը լիովին կը յաջողուի, բայց միայն հիմանալ պէտք է թէ ինչպէս այնքան տարիներ զբեթէ դիքտատորական իշխանութիւն բանեցրած հռչակաւոր մարդը իւր խօրը ծերութեան հասակում այնքան սրտին մօտ է առնում իւր հայրենիքի ճակատագիրը, որ իւր ազգին մի մեծ ազգային պետութիւն ստեղծելուց յետոյ՝ այսօր նա այդ պետութեան մէջ ներքին քաղաքական նոր կեանք ստեղծելու փշերով լի գործին է ձեռնարկում: Կարելի է Բիսմարկի ամեն մի քայլին հաւանութիւն չը տալ, թէ իւր անցեալում և թէ ներկայում հակակրել անգամ նորա ձգտումներէից մանաւանդ այն որ լեհացիներին է վերարբերում, որի առիթով իւր «Առանց դաւանանքի» վէպի մէջ (տես «Մուրճ»-ի ներկայ համարը) դառն ծիծաղով զանգատուում է Սեն-կեիշը: Բայց այնքան ճահճային է գերմանական քաղաքական կեանքը, որ միայն ուրախանալ պէտք է, եթէ Բիսմարկին յաջողի կերպարանափոխել և քաղաքական հզօրութեան հասցնել կուսակցական կեանքը Գերմանիայում: Դորանով նա կը հիւսի մի նոր պսակ իւր փառքով փայլող ճակատը նոր զարդով պսակելու համար:

Եւրոպայի միջազգային բարձր քաղաքականութեան վերաբերեալ այս ամիսներս մի քանի նոր գծեր սկսեցին պարզել: Իբր թէ պապ Լէօ XIII գործօն դեր է կատարել և շարունակում է

գործել Ֆրանսիայի և Ռուսիայի բարեկամութեան գործում: Խընդիրը սակայն պարզաժամ չէ: Միայն թէ պապի բռնած որոշ բարեկամական զիրքը դէպի Ֆրանսիական հանրապետութիւնը, որի մասին մենք մեր անցեալ տեսութիւնների մէջ արդէն քանիցս խօսել ենք, հաւանական է դարձնում որ պապը իւրովսանը աշխատած լինի միջին Եւրոպայի եռապետական դաշնակցութեան դէմ, որի անդամներին է իւր թշնամի Իտալիան, Ֆրանսիային ծառայել:

Յիշատակելու արժանի է նաև Պարիզի յայտնի Figaro լրագրի մի յօդուածը Alliance ou flirt խորագրով, որտեղ առաջարկում է Ֆրանսիայի և Ռուսիայի մէջ գրաւոր դաշնակցութիւն: Այժմ արդէն հաստատ է որ նոցա մէջ գրաւոր պայման չկայ և դատելով ուսաց մայրաքաղաքային լրագիրների կծու պատասխաններից Վիգարօի յօդուածին, պէտք է ընդունել որ այդպիսի պարտաւորիչ պայմանի մասին գէթ մօտիկ ապագայում խօսք չի կարող լինել:

Բաւականում ենք միայն յիշատակելով, որ Բոլզարիայի յայտնի առաջին մինիստր Ստամբուլով ներկայ օգոստոսին ընդունեց Կ. Պոլսում սուլթանի կողմից: Անկասկած է որ դա քաղաքական հետեւանքներ է ունենալու Բոլզարիայի համար: Այդ դէպքը ընդունեց որպէս ցոյց Ռուսիայի դէմ:

Շ.